

Ceijraed Mbangbed, Cingzngeih Naekna

薄薄的剪纸，厚重的情感

□ Maknam hoiz



Gij ceijraed laeng gwnzbiengz Boux-cuengh Cingsih lizij gyaenzanz, dwg cungj yisuz vwnzva gwnzbiengz, diegde ca mbouj geijlai ranzranz cungj nem roxnaeuz cap ceijraed. Cawz aeubae nem ciengz、dou、cueng、aengingq、daengloengz, vunzlai lij nyinhnaeuz gij ceijraed bohmo、mehsien raed haenx ndaej gyaep yakwix、cawz binghnanh、bauj an'onj、demgyaeu daengj. Ceijraed diegde lai cungj lai yiengh, gij raiz gak miz daegsaek, ndawde giuhva、ndaundeіq yinxcaiz、ndaundeіq vwnzvuj、ndaundeіq bingzan、ndaundeіq demgyaeu、maxgoengsae、maxgwnzmbwn、ceijraed doenghduz doenghgo daengj aeu bae guh yizsiz haenx haemq daegbied.

Giuhva

Giuhva dwg mehmizndang ndaej caet ndwen de bae laeng bohmo ra ma haenx, maqmuengh lwg de seng daeuj ndang cangq, majhung baenzgya, baenzsei qva ndaej ndei. Giuhva dwg raezsei qfueng, cungqgyang sam boux vunz yaengx song fwngz, lajdin sam hanzvang guh giuz, lajgiuz cix dwg song duj va, ei qsei naeuz lwnyeuz byaij gvaq giuz daeujdaengz gwnzbiengz; baihgwnz bouxvunz miz song aen daengloengz, dwg naeuz gij roen lwnyeuz ronghsag lumj daengloengz nei; baihgwnz youh miz sam aen lwgyoux, ndawde miz laeuj, daibyauij lwnyeuz caengz doekseng. Song mbiengj giuhva daj gwnz daengz laj cungj miz dujva、mak、haeuxyangz、haeuxrieng、cenjlaeuj、aenvanj、gouhdawh caeuj aen sim ndeu, gonqlaeng mbouj ndaej gaij, neix couh dwg gij sei qvunz lwnyeuz.

Ndaundeіq Yinxcaiz

Ndaundeіq yinxcaiz dwg doengh gij vunz cibbet daengz roekcib it de hab yungh. Cungj ceijraed neix luenzli, sei qhenz miz baenz gvaengx heujgawq, cungqgyang dwg diemj luenz ndeu, sei qhenz youh miz roek boux vunz doxheux, gyoengqde yaengx song fwngz sang gvaq aen' gyaеuj, guhbaenz yiengh gouzfuk, naj coh haeuj cungqgyang bae; baihrog youh miz roek boux vunz caemh guh yiengh gouzfuk, hoeng naj coh baihrog, ei qsei dwg haidou yinxcaiz haeujma.

Ndaundeіq Vwnzvuj

Ndaundeіq vwnzvuj dwg vunzlai muengh aeu faenh hong ndei ndeu cij nem haenx. Ndaundeіq vwnzvuj raezsei qfueng, ceіq baihgwnz dwg baenzgvaengx heujgawq luenz, caengz baihdaw dwg roek diemj luenz heux diemj luenz ndeu, neix couh dwg ndaundeіq songzmou; ceіq baihlaj miz sam aen dougungj, song mbiengj gak miz aen lwgyoux ndeu; baihgwnz dougungj dwg boux vunz yaengx fwngz ndeu, gwnzfwngz de dak aen caw ndeu, lajdin dwg sam diuz hanzvang deu va; song mbiengj bouxvunz gak miz duzlungz mbin haenx. Daengx mbaw ceіq dwg naeuz "vunz" byaij gvaq "doulungz" baiqraen "vuengzdaeq", muengh miz faenh hong ndei ndeu.



▲ Ceijraed Bouxcuengh Cingsih.

Ndaundeіq Bingzan

Ndaundeіq bingzan cix dwg dawz lwnyeuz beijguh dujva hailangh rengzhoengh ndeu. Cungj ceijraed neix luenzli, gij bawx de miz song caengz heujgawq luenz, song caengz baihdaw cix dwg roek limq va deu hoengq, simva dwg aen luenz saedsim ndeu. Vunzlai nem de dwg mbaenjgouz lwglan an'onj.

Ndaundeіq Demgyaeu

Ndaundeіq demgyaeu dwg caeuj doenghboux sei qcib gouj bi doxbae haenx nem. Aen de caemh luenzli, caeuj ndaundeіq yinxcaiz doxlumj. Roek boux vunz cix naj coh baihdaw, dak hwnj aen ndaundeіq cungqgyang, neix couh dwg naeuz dawz vunzlaux dak doxhwnj, nyienh de ndang cangq、dem fuk、souhyienz raez.

Ceijraed Doenghduz Doenghgo

Gij yiengh ceijraed doenghduz doenghgo caeuj gij caen de doxdoengz, neix dwg muengh vunzlai ciengx maz baenz maz, dajndaem ndaej sou lai.

Seizneix, gwnzbiengz Cingsih lij miz hwnq raed、nem、cap ceijraed, gwnzde ce miz gij maqmuengh boeksad vunzlai, yienh' ok beixnuengx Bouxcuengh diegde muengh gvaq ndwenngoengz engq ndei, ngawz biengz bingz vunz an'onj、lwglan baenzvunz daengj. Vihle ciepcienz fatyiengz gij dinfwngz raed ceіj, diegde lij hai ban、hai dangzgo raed ceіj daengj. Bi 2016, gij ceijraed laeng gwnzbiengz Bouxcuengh Cingsih ndaej senj haeuj buек daihroek swcigih gaep feihyiz mingzloeg.

(Doz caeuj swhliu daj Aen Vwnzva' gvanj Cingsih Si ndaej)

